

## **Tonga - Lufu Magwalo - Free from Death Scriptures**

**Ba-Roma 6:23 Nkaambo cakuvola cazibi ndufu, pele caabilo ca-Leza mbuumi butamani bwamuli-Kristo Jesu Mwami wesu.**

**Ba-Roma 8:2 Nkaambo Mulao wamuuya wabuumi bwamuli-Kristo Jesu wandilubula kumulao wazibi awalufu.**

**2 Timoteo 1:10 pele sunu Iwalibonya mukupompa kwa-Mufutuli wesu Krisro Jesu, nguwenya wakazoolobia lufu akuyubulula buumi butafwiki kunguzu zya-Makani Mabotu.**

**Jobu 5:2 Lunyemo luli boobo ndwabuyo, lulajaya; Ndufu kumufubafuba uupya moyo.**

**Hosea 13:14 Sa nkabavune kujanza lyacuumbwe? Sa nkabanunune kulufu? Ne! Leta mapenzi aako, O cuumbwe? Koza alumoola Iwako O lufu? Nsikonzyi kweempwa pe.**

**Intembauzyo 9:13 Kondifwida luzyalo, O Jehova; Bona mbundapenga kulibaabo bandisulide, Webo nondisumpula kuzwa kumilyango yalufu;**

**Jobu 6:26 Sa mulayanda kusinsa majwi buyo Aakulabalika kwamuntu uupengesya?**

**Jobu 33:22 Buumi bwakwe kabuyanda kufwa, Kabuli afwaafwi abaangelo balufu.**

**Ezekieli 37:12,13 Nkaambo kako sinsima, ukabaambile kuti, Mbuboobu mbwaamba Mwami Jehova. Ncobi ni joojalula tubanda twanu, njoomubusya kuzwa mutubanda twanu, nobantu bangu, alimwi njomusisa kunyika ya-Israyeli. 13 Lino tuyooziba kuti ndime Jehova nenzoojalula tubanda twanu akumubusya kuzwa mutubanda twanu, nobantu bangu.**

**Matayo 27:52 Atubanda twakavunuka, nkabela mibili minji yabasale ibakali kuona yakabuka,**

**Matalikilo 2:7 Jehova Leza wakabumba muntu, Wakamubumbya bulongo bwaansi, wamufulida mumpemu zyakwe muuya wabuumi, nkabela mpawo muntu wakaba muumi.**

**Matalikilo 6:17 Lino mebo ndaleta izambangulwe lyamaanzi ansi iyakunyonyoozya nyama yoonse yabaumi baputa ansi, Boonse buyo bali munyika bayoozanga.**

**Matalikilo 7:15 Boonse bakanjila mubwaato kuli-Nowa, bobile bobile bamisyobo yoonse iili abuumi.**

**Matalikilo 7:22 Boonse ibakali ampemo zyakuyooza, boonse ibakali anyika injumu, boonse buyo bakafwa.**

**Jobu 12:10 Mumaanza aakwe mouli muuya woonee muumi, Alimwi abuumi**

**boonse bwamuntu.**

**Jobu 33:4 Muuya wa-Leza wakandilenga; Singuzuzyoonse ulandiyoyela buumi.**

**Incito 17:25 Alimwi tabelekelwi maanza aabantu, tali uubula cintu pe, nkaambo ngonguwe mwini nguubapa boonse buumi, amuuya, azintu zyoonse.**

**Ciyubunuzyo 13:15 Nkabela cakapegwa inguzu zyakucipa buumi eco cikozyano cacinyama, kuti cikozyano cacinyama caambe akucitya kuti boonse ibatakombi cikozyano cacinyama bajayigwe,**

**Johane 10:10 Mubbi uzida buyo kubba akujaya akunyonyauna, mebo ndazida kuti babe abuumi, akuti buvule.**

**Isaya 28:15 Mwaamba kuti, Tulitangene cizuminano alufu, acikalilo cabafu twaswiilizyanya aco; mitatula yakukoma yainda, tiikooyoosika kulindiswe pe, nkaambo twabika zyakubeja zibe macijilo esu, amulweeno motuyubide.**

**Isaya 28:18 Elyo cizuminano ncimutangene alufu ciyoloba, akuswiilizyanya kwanu alufu takukooyoojata pe. Mitatula yakukoma yainda buyo, muyoolyataulwa kulinjiyo.**

**Isaya 5:24 Nkaambo kako, mbubonya mbuli mabangabanga mbwaalya zisikosiko, abuungu mbubuwa mukati kamulilo, mbubonya obo muyanda wabo uyooba mbuli bubozi, amalubaluba aabo ayoomwaika mbuli lusuko. Nkaambo basampaula mulao wa-Jehova wamakamu, alyalo ijwi Iya-Musalazi wa-Israyeli balikwiilila.**

**Joeli 1:12 Musaansa wapusama, mukuyu wafwa, misamu yapomegranite akakunka amibula, misamu yoonse yamusokwe, iliyumide. Lukondo loonse Iwabamanina bantu.**

**Hosea 13:15 Nekuba kuti Efraimu acite micelo akati kabakwabo, kuyoosika muuwo wakujwe, iguwo Iya-Jehova lizwa munkanda, liyoomanizya kasensa kakwe akuyuminizya cikala cakwe. Uyoosaalilwa ziyandisi zyakwe ambono zyakwe zyoonse zibotezya.**

**Ciyubunuzyo 22:1 Elyo wakanditondezya mulonga wamaanzi aabuumi aabalangala mbuli krustalo, uleenda kuzwa kucuuno ca-Leza aca-Mwanambelele.**

**Johane 4:10 Jesu wakavuwa kuti, Nowali kuzi cipegwa ca-Leza, ayooyo uukwaambila kuti, Ndipa nywe, na nguni, nowamukumbila nguwe, awalo naakupa maanzi aabuumi.**

**Johane 4:14 pele oyo uuti nywe maanzi ngenti mupe, tacifwi limbi, pele maanzi ngenti mupe buyooba bulolo bwamaanzi mulinguwe, aatuntumukila kubuumi ubutamani.**

**Tusimpi 13:14 Mulao wabasongo nkasensa kabuumi, Ulavuna kutukole twalufu,**

**Tusimpi 14:27 Kuyoowa Jehova nkasensa kabuumi, Kuti muntu acije tukole twalufu.**

**Ezekieli 13:17-23 Lino uwe, O mwana amuntu, kobalanga inkayikayi bana basimbi babantu bako basinsima miyeeyo yamyoyo yabo beni. Sinsima akubatapatila. 18 Amba kuti, Mbuboobu mbwaamba Mwami Jehova. Maawe kubanakazi abo batunga impindo amaboko oonse akucita mifuko yakumitwe yabantu baziimo zyoonse kuti bateye bantu, Sa ncibotu kuti muteye maumi aabantu bangu, akuponya bamwi kuti mujane impindu? 19 Mwandisampaula akati kabantu bangu kuti mujane inkankamaanza zyabbaale aminsuma yansima. Mwajaya bantu bateelete kufwa akuponya bantu bateelete kupona, Mwacita obo kukubeja kwanu mumatwi aabantu bangu baswiilila zyakubeja. 20 Nkaambo kako mbuboobu mbwaamba Mwami Jehova. Ndisulide impindo zyanu nzimutezya bantu kuti bacije, njoozidelaula kuzwa kumaboko aanu, aboobo njoobaangununa bantu abo mbemuyanda kutezya kuti bacije. 21 Ayalo mifuko yanu yoonse njoozidelaula, aboobo njoovuna bantu bangu kuzwa kumaanza aanu, Tabakooyooba zyakutezya mumaanza aanu pe, Lino tuyooziba kuti ndime Jehova. 22 Mwausya moyo wamuntu uululeme insoni, mebo ngwentana kuusya insoni, alimwi mwayumya maanza aasizibi kuti ataleki inzila yakwe yabubi kuti alijanine buumi. 23 Nkaambo kako tamukooyoobona limbi zilengano zyabuyo, tamukooyoosonda limbi, Njoovuna bantu bangu kuzwa kumaanza aanu, aboobo tuyooziba kuti ndime Jehova.**

**Jeremiya 21:8 Abalo bantu aba uleelete kubaambila kuti, Mbuboobu mbwaamba Jehova. Amubone! Ndabika kumeso aanu inzila yabuumi anzila yalufu.**

**Jobu 34:22 Taakwe mudima, na eenzule calufu, Babi nkobakonzya kuyuba.**

**Intembauzyo 16:10 Nkaambo tokoooyoosia moyo wangu kucikalilo cabafu, Tokooyooaba Uusalala wako kuti abone kubola.**

**Intembauzyo 23:4 Nenjeenda mumumpata walufu uusia mbi, Nsiyoowi bubi, nkaambo tuli ayebo, Musako wako ankoli yako zilandiyumya,**

**Intembauzyo 30:3 O Jehova, wandigwisya kwacimvumwe; Wandiponya akati kabaabo baselukila mukabanda.**

**Intembauzyo 49:15 Pele Leza uyoonununa buumi bwangu kubusangu, Nkaambo uyoonditambula. Sela**

**Intembauzyo 56:13 Nkaambo wavuna buumi bwangu kulufu, Amaulu aangu kukudadalika, Kuti njende kubusu bwa-Leza Mumumuni wa-Leza.**

**Intembauzyo 68:20 Leza watubeda Leza wabuvuni; Mwami Jehova nguutuyokola kulufu.**

**Intembauzyo 89:48 Sa kuli muntu uukonzya kukalilila akutabona lufu? Sa kuli muntu uukonzya kulivuna kunguzu zyakabanda? Sela.**

**Intembauzyo 102:19,20 Wasondela kuzwa kubusena bwakwe busalisywa bwakujuju, Kujulu Jehova walangilila ansi, 20 Aswiilile kutongela kwabaange, Aangunune bana balufu,**

**Intembauzyo 116:8 Nkaambo wavuna buumi bwangu kulufu, Ameso aangu kumisozi, Azitura zyangu kukudadalika.**

**Tusimpi 10:2 Imbono zijanwa mububi tazigwasyi, Pele bululami bulavuna kulufu,**

**Isaya 26:19 Bafu bako bayoopona, mitunta yangu iyoobuka. Amubuke, mwiiimbe, inywe nobakede mubulongo, nkaambo mume wako uli mbubonya mbuli mume wamumuni. Nyika iyoobusya basangu bayo.**

**Johane 5:28,29 Mutagambwi aliyeeyi nkani, nkaambo ciindi ciyoosika ncobati kamvwe ijwi lyakwe boonse abali muzyuumbwe, 29 bayoozwa mpoonya, abo abakacita kabotu bayoobusigwa kubuumi, abaabo abakacita bubi bayoobusigwa kukubetekwa.**

**Johane 10:28 Ndazipa buumi ubutamani, tazikooyoofwa limbi, takukwe uuyoozikwempa mujanza iyangu.**

**Johane 11:43,44 Naakamana kwaamba obo, wakoompolola ejwi pati kuti, Lazaro, kozwa omo. 44 Mpoonya oyo uwakafwide wakazwa, ulizambaidwe kumaboko akumaulu ezisani zyakuzikwa azyalo, ulaangidwe isila kubusyu. Jesu wakabaambila kuti, Amumwaangunune, mumuleke aende.**

**Johane 12:17 Mpoonya awo makamu aabantu abakali awalo naakaita Lazaro mucuumbwe akumubusya kulibafwide, bakaba bakamboni.**

**Johane 17:2 Mbubonya mbookamupa bwami kubantu boonse, kupa buumi ubutamani kulibaabo boonse mbookamupa.**

**1 Ba-Korinto 15:19-26 Kuti mubuumi obuno luzutu mutupangikide moyo ali-Kristo, tulafwidika insoni kwiinda bantu boonse. 20 Pele ncobeni Kristo ulibukide kubafu, waba kabalwebalwe kabaabo bafwide. 21 Nkaambo mbubonya mbuli lufu mbulwakabeda ijanza iyamuntu, ndijanza iyamuntu ndibwakabeda abwalo bubuke bwabafu, 22 Nkaambo mbuli mbubafwa boonse muli-Adamu, mbubonya obo mbubayooponezegwa boonse muli-Kristo, 23 pele umwi aumwi kuciindi cakwe ceelede, Kristo ngukabalwebalwe, elyo kusule bana ba-Kristo kuciindi cakuboola kwakwe. 24 Ndilyonya naayooba mamanino, nayootambika bwami kumaanza aa-Leza wisi, nayoolebesezya boonse beendelezi abami abasimutwe. 25 Nkaambo uleelede kweendelezya mane do nanooyoobikide basinkondonyina boonse kunsi iyamaulu aakwe. 26 Sinkondonyina musyaalizi uuyoolebesegwa ndufu.**

**2 Ba-Korinto 1:9,10 Ncobeni mumyoyo yesu twakali kuyeyya kuti ncikosolo calufu. Pele akaba boobo, kuti tutalisyomi tubeni, tусyome Leza sikubusya bafu, 10 Walo wakatuvuna kulufu lupati luli boobo, alimwi ucituvuna sunu,**

**nkabela lusyomo Iwesu Iuli kulinguwe kuti uciyootuvuna.**

**2 Ba-Korinto 3:6 Nguwe watuzuliziza milimo yamulongo mupya. Oyu mulongo tuuli wamakanii aaleembedwe buyo, pe, ngwamuuya, nkaambo makani aaleembedwe alajaya, anukuti muuya ulapa buumi,**

**Ba-Kolose 1:21,22 Lino nywebo kuciindi cakamana mwakali kule, nkabela mumyoyo yanu mwakali basinkondonyina Leza nkaambo kamilimo mibi, pele sunu wamuyanzanya. 22 Wamuyanzanya kukufwa mumubili wakwe uufwika, kuti amwiimikizye kubusu bwakwe cakusalala acakubula kampenda acakutaba amulandu,**

**Hebrayo 2:9 Anu oyo uwakacesegwa-cesegwa kwiinda baangelo nkaambo kakupenga lufu, ngu-Jesu, twamubona ulisamide musini wabulemu awabwami, kuti kuluzyalo Iwa-Leza akamvwide bantu boonse lufu.**

**Hebrayo 2:14,15 Eno mbubonya bana mbobaabilwa mubili abulowa, awalo mwini mbubonya wakasangana, kuti kukufwa kwakwe akamwaye oyo uujisi nguzu zyalufu, nkokuti Saatani, 15 alimwi kuti akabavune boonse abo abakavubidwe buzike muciindi coonse cabuumi bwabo, nkaambo kakuyoowa lufu.**

**Hebrayo 11:5 Awalo Enoki ndusyomo ndwaakatolelwa kujulu, kuti atakaboni lufu, nkabela taakwe naakajanwa, nkaambo Leza wakalimutolede. Eno naatakalina kutolwa wakalungululwa kuti wakali kukonda Leza.**

**1 Petro 3:18 Nkaambo kakuti alakwe Kristo wakafwida kale zibi, uululeme wakafwida bataluleme, kuti atuswenye kuli-Leza. Wakajayigwa kumubili, pele wakabusigwa kunguzu zya-Muuya.**

**2 Petro 1:3 Inguzu zyakwe, mbuzili zyabu-Leza, zilitupede zintu zyoonse zyabuumi azyankombelo, mukumuzibisywa walo uwakatwiita kubulemu bwakwe mwini akuziyanza lyakwe zibotu,**

**1 Johane 3:14 Tulizi kuti twakainda kuzwa kulufu akunjila mubuumi, nkaambo tulayanda beenzuma. Umwi aumwi uutayandi mweenzinyina ulakalilila mulufu.**

**1 Johane 5:11 Lino bukamboni mboobu, bwakuti Leza wakatupa buumi butamani, obu buumi buli mu-Mwana wakwe.**

**Ciyubunuzyo 21:6 Lino alimwi wakati, Amana makani, Ndime Alfa a-Omega, matalikilo amamanino. Uuli anyota, njoomunywisywa mebo kukasensa kamaanzi aabuumi,**